



OPĆINSKI NAČELNIK

Broj: 01-1-33-1189/20
Ustikolina, 09.12. 2020. godine

**KRIZNI PLAN PRIPRAVNOSTI I ODGOVORA
NA KORONAVIRUS (COVID – 19) ZA OPĆINU FOČA**

Ustikolina, novembar 2020. godine

Na osnovu člana 37. Statuta Općine Foča („Službene novine Bosansko-podrinjskog kantona Goražde“, broj: 8/08,11/08, 16/13 i 07/20), a u skladu sa Naredbom Federalnog Kriznog štaba Ministarstva Zdravstva br. 01-33-4486/20 od 06.08.2020. godine, Općinski načelnik Općine Foča, **donosi:**

KRIZNI PLAN PRIPRAVNOSTI I ODGOVORA NA KORONAVIRUS (COVID – 19) ZA OPĆINU FOČA

I

Krizni plan pripravnosti je izrađen u cilju poduzimanja mjera zaštite uposlenika i stranaka, te sprečavanja bolesti izazvane Corona virusom (COVID19).

Ovim planom definiše se način rada i poduzimanje svih higijensko-epidemioloških mjera kao i preventivnih mjera, odnosno postupanje Općine Foča za vrijeme trajanja naredbi i preporuka donesenih od strane Kriznih štabova Federalnog ministarstva zdravstva i Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, zbog opasnosti od širenja zarazne bolesti uzrokovane koronavirusom (covid- 19).

II

Općina Foča je zadužena pojačati provođenje opštih i posebnih mjera zaštite od zaraznih bolesti, shodno Zakonu o zaštiti stanovništva od zaraznih bolesti Federacije BiH („Službene novine Federacije BiH“, broj 29/05), sa posebnim akcentom na pojačane aktivnosti provođenja epidemioloških mjera u cilju zaštite zdravlja uposlenika i stranaka.

Općina Foča je dužna obezbijediti dovoljnu količinu sredstava za dezinfekciju kao i drugu neophodnu zaštitnu opremu (maske, rukavice i ostalo), a sve u skladu sa donesenim naredbama i preporukama od strane nadležnih organa.

III

Preporučuje se uposlenicima da održavaju svoje radne prostore čistima prema protokolu za borbu protiv bolesti uzrokovane koronavirusom (covid-19), uz redovno provjetravanje radnog prostora.

IV

Održavanje poslovnih, radnih ili drugih sastanaka i sjednica, na kojima bi bilo potrebno prisustvo više uposlenika ili drugih učesnika, svodi se na najmanju mjeru, uz primjenu telefonske ili e-mail komunikacije.

U kancelarijama i prostorima gdje boravi više od jednog radnika, obavezno je nositi zaštitne maske za lice bez izuzetka.

Ukoliko je neophodno održavanje sastanaka/sjednica, potrebno je među učesnicima osigurati razmak od 2 metra, uz neophodne epidemiološko-zaštitne mjere.

V

U slučaju pojave nekih od simptoma kao što su: povišena temperature, kašalj, gubitak mirisa ili okusa, preporučuje se osobama sa simptomima kao i članovima njihovog kućanstva da ostanu kuci, te se telefonski jave nadležnom liječniku kako bi dobili daljnje upute.

Ukoliko uposlenik uoči simptome bolesti (temperatura, suhi kašalj, otežano disanje i dr.) kod radnog kolege, a isti to ranije nije sam prijavio, dužan je odmah obavijestiti neposrednog rukovodioca koji dalje preduzima radnje (obavješćavanje epidemiološke službe, udaljavanje radnika sa radnog mjesta i dr.) u skladu sa naredbama i preporukama Kriznog štaba Federalnog ministarstva zdravstva i Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde.

Uposlenici su dužni da vode računa o osobama s kojima su bili na udaljenosti manjoj od 2 metra odnosno duže od 15 minuta ("bliski kontakti") u zadnjih 48 sati, odnosno da evidentiraju ili na drugi način označe tu osobu ukoliko bude potrebno da te podatke saopšte epidemiolozima.

VI

Rad sa strankama se organizuje uz osiguranje protoka stranaka na način da se omogući potrebna fizička distanca od 2 metra između stranaka uz poštovanje ostalih epidemiološko-zaštitnih mjera (maska za lice bez izuzetaka, korištenje dezinfekcionog sredstva na ulazu u službene prostorije).

Na ulazu u objekat Općine Foča obavezno postaviti dezobarijeru za obuću, te istaknuti upozorenja i obavijesti o načinu postupanja u pogledu Covid 19.

Ulazak i izlazak u službene prostorije Općine Foča (zgrada Općine) predviđeno je da stranke ulaze i izlaze organizovano prema uputama uposlenika na portirnici uz poštivanje svih epidemioloških mjera.

VII

Zadržavanje uposlenika u radnim prostorijama mimo njihovog radnog mjesta, potrebno je svesti na minimum.

VIII

Krizni plan pripravnosti može se promijeniti u skladu sa epidemiološkom situacijom, te naredbama i preporukama Kriznog štaba Federalnog ministarstva zdravstva i Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, Federalnog štaba civilne zaštite i štaba civilne zaštite BPK Goražde.

IX

Krizni plan pripravnosti stupa na snagu danom donošenja i isti će biti objavljen na web stranici Općine Foča i oglasnoj ploči u zgradi Općine.

X

Nepridržavanje navedenih mjera predstavlja kršenje Zakona o zaštiti stanovništva od zaraznih bolesti F BiH (Sl. novine FBiH br. 29/05).

Dostavljeno:

- Svim službama
- a/a



Općinski načelnik

Zijad Kunovac